

陳祖武先生選
清人年譜系列

◎本社影印室 輯

◎北京圖書館出版社

晚清名儒年譜

陳伯武先生
清人年譜系列

◎本社影印室 輯

◎北京圖書館出版社

晚清名儒年譜

⑤

漫叟自訂年譜序

譜之言布。釋名云布。列見其事也。太史公以自殷以前諸侯
不可得而譜。於是乎作三代世表。則譜固表之變體。視表臚
列較詳耳。而後世士大夫遂相沿有年譜之作。或其人手自
編輯。或其子弟敘述分注。亦似倣史家編年紀事例。不過一
人一家之事。微乎其微。然勒諸家乘。爲來葉備勸懲。君子亦
不甚訾議也。予一生錄錄。所行皆分內應爲。無奇特異能。奚
事錄取。然恪遵司馬溫公訓。生平所爲。未嘗有不可告人者。
今老矣。不待宋制引籍校年。始翩然致仕。一爲回憶少壯。曾
幾何時。旣不能令義和弭節。虞公指劍。挽已逝之光陰。爲重

爲劭。則當此日薄崦嵫。敝敝焉。詮次其平生所閱歷。當亦
恆情之所不能忍置者也。次兒錫綸。前在開封府廨。已竊自
分年編次大略。予未之知。但語焉弗詳。則局外不如局中之
原委畢悉。固已歸田後。兀座無聊。取向所編本而訂正之。不
敢一言有訾。一事涉虛。總歸於實事求是。用以傳信將來。噫
我後。享子孫。念昔先人。能如文莊公之橋梓棣萼。疊振家聲。
勛業書竹帛。姓名光志乘。上也。其或不然。則宜寡過謹身。於
宗族稱肖子。砥德勵行。在鄉里爲善人。使書香遺種弗絕。農
隱世業勿替。或亦念茲譜而惕然警。奮然興。不藐藐視爲老
生常談。獲免於覆轡。而棄弁髦。則甚幸且冀焉。譜凡上下

二卷。四十年前。則班孟堅所言。古之學者。耕且養。三年而通一經。未敢自信。爲賢不家。食吉。四十年後。則宦學事師。迄於退老林泉。猶努力加餐。惜陰嗜學。瑣事居多云。

告存漫叟年譜

大荔馬先登伯岸甫自訂

嘉慶十二年歲次丁卯一歲

孟冬十月十一日子時生於同州府治東北十五里東小坡底北院舊宅

家自前明萬厯時少保文莊公諱自強兄弟四人分支本

支祖七品散官公諱自修派列三門再傳眞定府通判公

憬三傳曲沃縣縣丞公諱檉四傳寶雞縣訓導公諱紹

烜五傳訓導公之長子諱建土始由沙苑馬坊里徙居東

小坡底時則康熙三十三年又六傳而至曾祖諱維俊公

修德務農早逝次曾祖諱良驥公字善行始以府庠生起

家七傳祖昌齋公諱兆運奉祀生八傳父天階公諱騰蛟

縣庠生崇祀邑鄉賢祠著有**小坡識小錄**四卷三世皆以

先登貴

誥贈資政大夫曾祖妣氏秦祖妣氏武妣氏左

誥贈二品夫人如制

戊辰二歲

己巳三歲

庚午四歲

辛未五歲

二月初一日二弟毅登生

壬申六歲

癸酉七歲

少身弱多病家食指繁眾母終日執爨外拮据紡績與適
成門二姑母裁製衣履刻無暇晷多賴祖母提攜育撫時
父以家貧就教讀館於羌白鎮車姓先登始從祖在家塾
入學識字

是年河南滑縣林清李文成牛亮臣等作亂知縣韓城強
忠烈公克捷殉難陝甘提督楊遇春討平之記得先祖時
爲先登言及因附識之

先是自文莊公以後裔漸式微祖嘗筮之其爻繇辭曰十世復見新以先登適值十世遂切切有屬望之心

甲戌八歲

四月初六日妹金枝生長適太學生黃勉

乙亥九歲

丙子十歲

始讀小學經書學作八股試帖

丁丑十一歲

父移館於扈家村扈姓攜之就學是冬卽應縣試邑宰爲鮑鐵生名珊安徽歙縣進士

戊寅十二歲

己卯十三歲

庚辰十四歲

父以尙應科舉圖進取遂辭教讀館從邑乾隆乙卯舉人
後官河南林縣知縣劉慎堂九思先生受學於西小坡董
姓先登仍隨侍行

道光紀元辛巳十五歲

四月初一日三弟捷登生

慎堂先生辭董姓館就揀選職父辦舉子業於馬坊頭四
世一品祖祠內仍攜之就學。

壬午十六歲

時朝邑李時齋師元春先生。講關學於渭濱之桐閣。父命叔父稱之公。與先登同往受學。師以爲可造之器。使隨諸友人南登華岳。直陟落雁峯頂。以豁眼界。而拓心胸。

癸未十七歲

在桐閣肄業。於八股制義試帖外。卽學作詩古文詞。

甲申十八歲

二月十六日四弟銳登生。

冬十月元配妻黃氏來嬪。邑成家村太學生黃樹滋名本植公長女。

乙酉十九歲

應院試。學政廣東番禺張瀚山先生名岳崧。取入縣庠。

三月十五日。祖父昌齋公卒。壽六十有三。葬於村南祖塋之次。家素寒貧。祖父就館於沙苑南減窪村張姓。自少績學。小試屢冠童軍。艱於一泮。自歎數奇。不欲再角逐名場。爲攜先登。故勉強應府縣試者又九年。

丙戌二十歲

三月初三日。長女璧環生。長許字邑婆。合村張正元。年十八歲亡。

是年西域回部張格爾作亂。將軍長齡討平之。時在桐閣。

師命擬作元微之和李校書縛戎行樂府以紀其事詩刻
勿待軒存藁集內。

丁亥二十一歲

正月十四日五弟續登生。

戊子二十二歲

九月二十五日家男錫晉生長娶邑呂曲路遵道女繼娶
七里村張大信女。

己丑二十三歲

庚寅二十四歲

八月十一日次女芳娥生仍許字張正元爲繼室年十六

歲亡。

辛卯二十五歲

值正科鄉試。始離桐閣。赴關中書院。辦科。未中式。邑宰山東蒲臺縣進士蓋式如名。鈺慕其名。延請教讀。是冬卽由書院歸里。

壬辰二十六歲

在大荔縣署教讀。冬間蓋式如升佛坪廳同知。去。遂解館。時稱之。叔父在城內漢官祠課徒。因移居祠內。

癸巳二十七歲

八月三十日三女晚蘭生。七歲殤。

甲午二十八歲

西長城村李翊廷先生名棟。邀辦舉子業於其村北之堯山廟。春間應院試。學政南海羅蘿村名文俊先生。拔取古學一等各一名。補廩食餼。

乙未二十九歲

仍回漢官祠。是年值

恩科。閩卷呈薦。房師爲候補知縣薩慶芬先生。秋試歸。染寒症甚劇。太夫人殫心調理四十餘日。延名醫黃興仁先生。診治始愈。私念以不肖支體。重貽親憂。此後節飲食。謹風寒。慎嗜欲。迄今五十餘年。差幸絕無疾病。常以此三言語人。

謂聖人慎疾。治未病。不治己病。先事而預防者。正謂此也。
丙申三十歲

太夫人以作苦積勞。肝脾兩虧。得乳岩症。醫藥罔效。祈禱
無靈。痛於五月十八日戌時棄養。壽僅四十有九。是時家
窘。含斂之時。布衾松櫬。薄葬於村南祖塋之次。自維庸賤。
不能治喪。求當代名公鉅筆。爲闡幽之文。因自誌其壙。傷
哉貧也。生無以爲養。死無以爲葬。蓋深有愴感於季路之
言焉。十一月十四日。妻黃氏亦以哀痛過甚。值婉難亡。年
三十歲。卽浮葬於太夫人墓側。

丁酉三十一歲